

Zarma - Tira Hanney - Protection Scriptures

Jérémie 1:18 Zama a go, hunkuna ay na ni ciya gallu cinari beerikoy, guurubici cinari kuuku, da guuru-say cinari, kaŋ ga naŋ ni ma kay ka gaaba nda laabo kulu, da Yahuda bonkooney, d'a mayraykoyey, d'a alfagey da laabo jama.

Ezékiel 3:18 Zama waati kaŋ ay ne boro laalo se: "Daahir, ni ga bu no!" ni mo, da ni mana boro laala din kaseeti, ni mana kaseetiyən sanni te mo kaŋ ga naŋ a ma fay da nga laala fonda ka du ka nga fundo faaba -- kala boro laala din ma bu nga taalo ra, amma ay g'a kuro alhakko ceeci ni gaa.

Jérémie 6:27 Nin, Irimiya, ay na ni ciya siiko da neesiko ay jama ra, Zama ni m'i muraadey bay k'i neesi mo.

Lévitique 26:19 Ay g'araŋ dabaro boŋbeera ceeri, ya aran beena ciya kolay, aran laabo mo danga guuru-say cine.

Deutéronome 23:5 Kulu nda yaadin, Rabbi ni Irikoyo mana hanga jeeri Balaam se, amma a n'a laaliyaŋo bare k'a ye ka te albarka ni se, zama Rabbi ni Irikoyo ga ba nin.

Romains 12:21 Wa si yadda laala ma hin aran, amma wa hin laala ihanno teeyan ra.

Psaumes 143:8,10 Ma naŋ ay ma maa ni baakasinay suujo baaru susubay, Zama ni gaa no ay ga de. Ma naŋ ya bay fondo kaŋ no ay ga hima ka gana, Zama ni do no ay bina goono ga ye. 10 M'ay dondonandi ya ni miila te, Zama nin no ga ti ay Irikoyo. Ni Biya booriyankoyo m'ay candi fondo kayante ra.

Psaumes 94:12 Ya Rabbi, albarkante no boro kaŋ ni ga gooji, Ni g'a dondonandi mo da ni asariya.

Proverbes 27:12 Boro kaŋ ga goy laakal boŋ ga hasaraw fonnay ka tugu, Amma borey kaŋ yaŋ sinda carmay ga bisa ka koy ka taali alhakku bana.

Philippiens 2:16 kaŋ aran goono ga fundi sanno salle. D'aran ga woodin te, ay ga farhā Almasihu zaaro ra, zama yaadin gaa ay mana zuru yaamo, ay mana taabi yaamo mo.

Esaïe 49:4 Amma ay wo ne: "Ay na taabi yaamo te, Ay n'ay gaabo darandi hinne day no yaamo. Kulu nda yaadin ay cimi ciito go Rabbi do, Ay alhakko mo go ay Irikoyo do."

Psaumes 76:3 Salem ra no a nangora go, a gora do mo go Sihiyona ra.

Hébreux 13:21 m'aran toonandi hari hanno kulu ra hal aran m'a miila te. A ma haŋ kaŋ ga kaan nga se goy iri ra Yesu Almasihu do. Darza ma bara Yesu Almasihu se hal abada abadin! Amin!

1 Corinthiens 16:15 Aran ga bay kaŋ Istifana kwaara borey ga ti sintina kaŋ

yaŋ cimandi Akaya laabo ra. I na ngey boŋ ciya saajawkoyaŋ hanantey se mo. Sohō, nya-izey, ay g'araŋ ɻwaaray

Philippiens 1:27 Kala day aran ma goray te kaŋ ga saba nda Almasihu Baaru Hanna, hal ay ma maa aran gora baaro, baa d'ay kaa ka di aran, wala d'ay mana du ka kaa. Ay ma maa kaŋ aran goono ga kay biya follow ra ka gurjay care banda laakal follow ra mo cimbeero se, Baaru Hanna wane.

1 Corinthiens 15:58 Woodin sabbay se, ay nya-izey, ay baakoy, wa kay a ma boori, wa si zinji. Alwaati kulu aran ma tonton Rabbi goyo ra, za kaŋ aran ga bay kaŋ aran taabo manti yaamo no Rabbi ra.

Colossiens 4:12 Abafaras mo, kaŋ ga ti aran bora, Almasihu Yesu tamo, g'aran fo. Alwaati kulu a goono ga kookari aran se nga adduwey ra zama aran ma kay timmanteyan da toonanteyan Irikoy miila kulu ra.

2 Rois 19:34 Zama ay no ga te gallu woone se kosaray y'a faaba ay boŋ se no, Ay boŋ se d'ay tamo Dawda mo sabbay se."

Jérémie 15:20,21 Ay ga ni ciya mo sanda guuru-say cinari gaabikooni jama wo se. Baa i ga wongu nin, i si te ni boŋ zaama, Zama ay go ni banda, ay ma ni faaba se, Ay ma ni kaa kambe mo. Yaadin no Rabbi ci. 21 Ay ga ni kaa boro laaley kambe ra, Ay ma ni fansa mo ka kaa toonyantey kambe ra.

Psaumes 55:18 Wiciri kambu nda susuba nda zaari bindi, Ay ga guunu-guunu, ay ma duray. A ga maa ay jinda mo.

Ezékiel 30:24 Zama ay ga Babilia bonkoono kambe gaabandi k'ay takuba daŋ a kambe ra. Amma ay ga Firawna kambe ceeri-ceeri, zama a ma duray a jine nda durayyaŋ danga boro kaŋ gonda buuyaŋ marayyaŋ wane.

Apocalypse 3:18 Ay ga saaware ni gaa, ma wura day ay do kaŋ i hanse danji ra, zama ni ma ciya arzakante. Ma bankaaray kwaaray yaŋ day mo, hal ni ma ni boŋ bankaaray, zama ni haawi ma si bangay. Ma mo safari day mo ka tuusu ni moy gaa zama ni ma du ka di.

1 Jean 3:17 Amma boro kaŋ gonda ndunnya wo arzaka, a goono ga di nga nya-izo kaŋ gonda laami, a si bakar a se mo, mate cine no Irikoy baakasina ga te ka goro a ra?

Esaïe 50:4 Rabbi, Koy Beero n'ay no talibyaŋ deene, Zama ay ma bay mate kaŋ cine no ay ga fargante gaabandi nda sanni. Susubay kulu no a g'ay tunandi jirbi, A g'ay hangey feeri mo zama ay ma maa sanda talibi cine.

Psaumes 18:39 Ay n'i gooru k'i fun hala i mongo ka hin ka tun, I kaŋ ay ce taamey cire.

2 Samuel 22:40 Zama ni n'ay guddu da gaabi wongo sabbay se. Borey kaŋ yaŋ tun ay gaa mo, ni naŋ i ma sumbal ay cire.

Psaumes 89:43 Ni n'a yanjekaarey kambe ɻwaaro tunandi, Ni naŋ a ibarey kulu ma farhā.

Ezékiel 13:6 Tangari no i di, da tangari gunayaŋ, ngey kaŋ yaŋ ga ne: "Yaa no Rabbi ci!" Ay mana i donton mo. I naŋ borey ma laakal dake mo ka ho hala sanno ga tabbat.

Lévitique 26:37 I ga kati care gaa baa boro kulu mana i gaaray, danga day takuba no i banda. Araŋ ga bara dabari si kaŋ ga kay araŋ ibarey jine.

1 Corinthiens 14:8 Zama d'i na hilli kar kaŋ jinda mana kay ka boori, mate no boro ga te ka soola wongu se?

Job 15:24 Kankami nda forrayyaŋ goono g'a humburandi. I goono ga te a boŋ zaama mo, Sanda bonkooni kaŋ go soolante wongu se.

1 Chroniques 12:8 Gad kunda borey kaŋ yaŋ ye Dawda do haray ka koy wongu fuwo do ganjo ra, soojeyaŋ kaŋ ga yaaru, kaŋ na wongu dondon, i ga waani koray da yaaji goy, kaŋ yaŋ ga boŋzaaray te mo danga muusu beeri yaŋ, i ga zuru nda waasi mo danga tondi kuukey boŋ jeeriyəŋ, ngey neeyə:

1 Chroniques 12:33,38 Zabluna ra, i gonda boro zambar waygu kaŋ yaŋ fatta wongu marga ra, soolanteyaŋ i ma daaga sinji nda wongu jinay kulu dumi. I na Dawda gaa mo da bine folloŋ. 38 Woodin yaŋ kulu soojeyaŋ no, kaŋ yaŋ ga waani daaga sinjiyaŋ. I kaa Hebron da bine folloŋ zama ngey ma Dawda didiji bonkooni Israyla kulu boŋ. Israyla cindo kulu mo, nga nd'ey laakal folloŋ no, zama ngey ma Dawda ciya bonkooni.

Luc 10:19 Guna, ay n'araŋ no dabari araŋ ma gondiyaŋ da daŋyaŋ taamu, araŋ ma ibare dabaro kulu may mo. Hay kulu si no kaŋ g'araŋ maray.

2 Corinthiens 7:10 Bine sara kaŋ dumi Irikoy ga ba no ga tuubi goy te hal a ma koy to faaba do. Tuubi mo no kaŋ boro si tunandi. Amma ndunnya bine saray ga kande buuyaŋ.

2 Timothée 2:25,26 A ma ciya mo goojiko borey kaŋ ga gaaba nd'a se lalabu ra, zama hambara Irikoy ga naŋ i ma tuubi hal i ma du ka cimo bay gumo. 26 I ma ye ngey laakaley gaa mo ka fun Iblisi hirrimo ra, nga kaŋ n'i di k'i tilasandi i ma nga miila te.

Néhémie 4:15 I go no mo, waato kaŋ iri ibarey maa kaŋ iri du ngey me-hawyaŋ baaru, hala mo Irikoy n'i saawara ciya yaamo, kal iri kulu bare ka ye birni cinaro do haray. Boro kulu ye nga goyo do.

Psaumes 73:24 Ni g'ay candi nda ni saawara, Woodin banda ni g'ay ta ay ma koy darza ra.